

愚

齋

存

稿

愚齋存稿卷第七十七目錄

電報五十四

寄上海唐蔚之侍郎

寄奉天錫清帥

寄雲南李仲帥

奉天錫清帥致度支部來電

寄雲南李仲軒制軍

寄唐蔚之侍郎

李仲帥來電

山東孫慕韓中丞來電

長沙楊俊帥來電

寄武昌瑞莘儒制軍
澂廣州張堅伯制軍
鳴岐成都王
采臣護督人文長沙楊俊卿撫軍文鼎

南昌馮星帥來電

長沙楊俊帥來電

寄濟南孫慕帥

寄武昌瑞莘帥

寄廣州張堅帥

又

寄楊俊帥

瑞莘帥來電

楊俊帥來電

張堅帥來電

李仲帥來電

又

唐蔚之侍郎來電

寄瑞莘帥

寄唐蔚之侍郎

又

張堅帥來電

瑞莘帥來電

寄張堅帥

寄唐蔚之侍郎

李仲帥來電

寄孫慕帥

寄李仲帥

寄瑞莘帥

寄成都王采臣護院

孫慕帥來電

寄蘇州程雪樓中丞

寄武昌瑞莘帥成都王采帥廣州張堅帥長沙楊俊帥

又

又

寄成都王采帥

又

瑞莘帥來電

成都王護院來電

寄孫慕韓中丞

楊俊帥來電

孫慕帥來電

愚齋存稿

卷七十七目錄

三思補樓藏版

寄孫慕帥

張堅帥來電

又

寄上海鄭蘇堪京卿

寄張堅帥

楊俊帥來電

瑞莘帥來電

寄楊俊帥

又

愚齋存彙卷第七十七

電報五十四

寄上海唐蔚之侍郎

宣統三年二月十六日

魚電再三斟酌若以添辦商船學校爲名特別加撥四萬兩卽作爲購買對面屋地之用尙說得起如以爲然請卽用正式公文到部必當核准凡特別撥款皆須入奏目下尙有應奏之事文到卽可附辦

寄奉天錫清帥

二月十六日

代度支部澤尙書

美銀行等借款一千萬鎊正合同日內可定尊處原奏銀行實業需款二千萬兩此次宗旨實欲藉爲保護東

三省故抵押餉源指明東三省菸酒稅一百萬兩又出產稅七十萬兩又銷場稅八十萬兩各省鹽飭新加價二百五十萬兩其總五百萬兩所有東三省鹽釐因錦瓊擬抵故不復列以留餘地惟該銀行須於發行債票之前由度支部另備兩單一係整頓幣制之用另由幣制局開單一係東三省興辦擴充實業事務用款須由尊處查明開列彼視銀行爲冒險恐不相信卽如大清銀行且不謂然葫蘆灣工程又不便宣布似不如移民墾牧森林開礦不離實業範圍漠河觀音山金礦吉林三姓金礦皆可指款開辦如果得人必獲厚利藉四國

護持免爲他人攫取所開之單應請多列數項能與一半抵款之數相符於藉爲保護宗旨乃合至於將來如何撥用係屬國內之事與合同清單無礙公念危局諒有同心此合同約數日內預備密奏務望迅速酌擬先行電示以憑酌定前月尊處兩次奏准暫借銀五百萬兩擬向何國何行借用附示

寄雲南李仲帥

二月十七日

造幣廠需銅甚亟二年冬月三年正月已咨尊處監理官稟部滇銅甚旺而礦員發價既少又以沙錢布麵等物相抵若以東川所屬各廠並將將軍石廠專辦京銅

可有盈無絀等語現辦洋銅每百觔價約三十二兩如多買滇銅可塞漏卮公事事求實若得廉員廣採廣收多多益善改由海道運至津滬交收一洗積弊以本年約計可得銅若干每百觔銅價連海運費需銀若干速電示議有規模再由部咨辦弟忝任畫一幣制故預商自辦若不能再購洋料亦屬無法

奉天錫清帥致度支部來電

二月十九日

借款事承大力主持已有成議並蒙籌及抵款辦法感佩實深惟原案奏准係二千萬兩將來用項卽以興辦移民墾牧吉黑森林漠河觀音山三姓

等處金鑛兼辦銀行以及糧運公司總不離實業
範圍爲宗旨爲護持東省計自不妨多列數項然
欲全行指出又恐挂一漏萬或將來於清單外有
所規畫轉不免受其限制似所開清單先列入以
上各項而加以實業二字爲總括之筆較靈活鄙
見如此仍請卓裁又此款爲三省之用似應以三
省各款分抵另案奏准之五百萬內有黑省三百
萬卽爲安置俄回華僑大部議令在借款撥用另
二百萬係爲防疫所需可並在借款內撥付該兩
款擬請先發一半銀二百五十萬兩以應急需如

果不敷將來再請續撥是否統候復示

寄雲南李仲軒制軍

三月十二日

滇桂路弟竭力贊成已由三部會復候公復電再奏鄙
見擬推尊處自議條文不妨往返電商初五奏內有一
面將某嚴予罪譴一語聞朝中以爲激烈不甚謂然公
倚畀甚隆此後奏事似可刪除此等語氣

寄唐蔚之侍郎

三月十六日

四萬已匯請向交通收用並卽咨復另設吳淞商船學
校十八卽入奏究須開辦經費若干常年經費若干將
來須購一帆船作歷練風濤之用亦須另籌騰出課堂

添改郵科如不添經費即可照辦否則部內交通傳習
所擬卽延日本教習專注郵政並習儲金乞速電復

李仲帥來電

三月十九日

礦路並行苦心求解非偉畫不能主持欲將借款
合同辦得好過津浦通電所復能否竭力完全磋
商正苦此縮彼伸兩美難兼亦近今時勢所處也
此二事關係西南大局安危度支或別具一見務
求公爲轉圜並切商樞外同定危疑苛一礦約要
換過甚捨礦約仍非速辦滇路不可否則百事束
手 國家將有不能撫定之一日不獨爲三省工

商通塞一大問題也條文仍求部擬綱要慎先磋商遵示電商候決至立合同廢礦約交款項辦路工均懇歸部分別主辦滇督萬無此精力滇員萬無此人材此均實情謹預陳白義遭遇困厄無力支持不敢託詞實由才短決意告退無論何處皆難尸位明知求退必革職然情勢不能不革奏中一語情急出口若疑爲跋扈要挾則大誤矣公戒我勿爲無益招忌之言此後必須良規感深肺腑惟轉瞬必實做到此先聲預兆無可避也一痛

山東孫慕韓中丞來電

四月初一日

充沂濟上年秋雨太多臘底正初又雨雪連縣是以低窪之區未能播種兼以江皖豫三省運糧過多糧價奇昂民不聊生流亡載道不減江北已電馮大臣免再運糧現奏撥五萬金趕辦振糶馮大臣力能兼顧尤爲感盼

長沙楊俊帥來電

四月初九日

近自粵省匪亂人心搖動湘省與粵桂接壤邊界土匪蠭起分撥軍隊搜捕防剿軍書旁午寢饋弗遑省垣重地尤須加意籌備添兵添械布置宜周昨已奏請緩裁防營所苦餉源奇絀無法騰挪已

請加收口捐奉部議駁現又據諮議局呈請再奏
未敢昧陳仰乞先爲密商澤公能否邀准又酌量
減收再行上奏因湘省除此項外別無可籌之款
時局危迫焦慮萬狀統祈維持感切盼切

寄武昌瑞華儒制軍徵廣州張堅伯制軍鳴岐成都王

采臣護督人文長沙楊俊卿撫軍文鼎

四月十二日
度支部會電

昨奉諭旨幹路均歸國有定爲政策所有宣統三年
以前商辦幹路各案一律取銷應如何收回之詳細辦
法著度支部郵傳部悉心籌畫迅速請旨辦理等因
除全錄電咨並行知各路公司外查川漢粵漢皆屬幹

路遵 旨會議收回詳細辦法尙需時日應請貴督撫知會該鐵路公司毋庸停工以免夫役分散原用員司一概仍舊並請迅速遴派大員前往該公司查明商辦已成之路及已造未完之路各若干已用股款若干現存材料及銀兩各若干迅速電復一面冊咨以憑請

旨辦理再 國家收回幹路係爲 國計民生兼籌明定統一辦法起見將來會議詳細辦法擬俟尊處查明帳目咨到公司實收實支款項或由部籌還悉聽商民自辦枝路及可靠礦務或一時尙無枝路礦務可辦願領 國家公債股票按年保息分期歸本亦可聽便並

請台端察酌情形分別電復藉資參酌目下工程仍責成總協理及工程司辦理俟奏派督辦大臣到工並循舊案會同督撫趕辦原有之總協理或可酌量改爲幫辦以資熟手希卽轉飭遵照

南昌馮星帥來電

四月十三日

參預國務恭賀大喜添郵裁驛深賴維持感叙公誼俊帥來電湘粵接壤土匪蠭起湘中匪亂尤多查辦甚嚴等語誠恐潛入萍境已飭嚴防乞電路礦林薛兩道約束工役嚴偵匪類遇事電告敝處力任保護

長沙楊俊帥來電

四月十七日

湘路自奉改歸官辦後羣情憤激全體譁譟連日
開會聚議詞極激烈不可理喻不能勢禁文鼎竭
力勸諭允爲代奏乞 恩力戒暴動現雖暫時解
散而人心終難平靖此間民情本囂自去年之變
匪徒輕視時刻生心現又值粵省亂事地方戒嚴
更慮伺隙思逞倘聚眾要挾牽動下流社會藉端
滋鬧必釀大患文鼎有守土之責實不敢擔此責
任俟各代表具呈卽當據實陳奏鄙意擬求鈞部
先行電飭公司略云該公司所籌經費既係的款

具見商情踴躍自應一切仍舊辦理亦不另派員
司及工程司將來應候督辦大臣進止以昭同軌
畫一之制等語俾可暫安人心蓋無論官辦商辦
此路均屬國有現值眾情洶洶之時惟有設法轉
圜徐圖就範若操之過急禍患立致事機危迫謹
先密陳籌商辦法立候賜復禱切盼切餘函詳

寄濟南孫慕帥

四月十七日

嶧縣等處飢民是否遠來抑係本地受災春麥將收似
非放賑之時已電馮夢帥酌派樊守博霖由徐州就近
往查再行酌辦

寄武昌瑞華帥

四月十八日

俊帥來電湘人反對幹路國有請一切照舊辦理不知
湖北湖南借款係張中堂與四國簽定 旨交郵部近
日四國公使至外務部立請照辦在部權不過照議辦
理本難更改軍機中堂奏定之約今將原合同內枝路
刪去改歸民辦實已費盡口舌此宜揭明者一若照張
中堂原定辦法川粵兩省本可暫緩國有政府恐湘鄂
藉口何獨厚於川粵而可民辦故作一次頒布此宜揭
明者二湘省援辦田捐名曰租股又收通省房捐名曰
房股實則湘民困苦不及川中饒富而況米捐鹽捐房

捐累上加累政府擬先飭停川湘租股以恤民艱而暫
准收米捐鹽捐以興實業實係變困民而爲裕民之策
此宜揭明者三粵漢分段趕辦限三年接通十年准可
還本如京漢例且商民均准附股與國家同受利益
此宜揭明者四時局甚危不有鐵路何能救急上意
甚堅內閣會議後卽當復奏詳細辦法朝廷勢難反
汗致礙主權大局惟經手紳士造言亡路搖惑人心難
免激生事端俊帥頗覺難支公望公才務請預籌抵制
勿致燎原並希授意湘撫或預派得力人員以資鎮懾
是爲至要

寄廣州張堅帥 四月十九日

奉 旨各路均歸國有定爲政策須候尊處查明核辦
本部前慮粵路先成湘漢不能相接則粵股無利可收
虧損必鉅現在湘鄂卽派督辦大臣分段趕造三年可
成粵省大佔便宜川湘租股 朝廷飭令停止其餘商
股無多粵則全係商股本部及度支部遵 旨會商總
協理大臣擬卽奏明數款一該公司股票准其更換
國家鐵路股票六釐保息須定歸還期限須准分派餘
利須准大清銀行交通銀行抵押一該公司股票如願
換領 國家保息之股票則該公司歷年虛糜之款除

倒帳外准不折扣股本俟將來得有餘利再行分別彌補以示體恤粵境幹路仍可責成詹天佑一手趕造不得遲延一該公司股票如願向國家領回資本則必動用洋債應由督辦大臣所用之總工程司估價歸還聽其稟請自造枝路及開礦實業之用一股分兩種辦法應俟奉旨後交粵督督飭總協理特開股東會聽股東多數取決以上會擬粵省特別辦法希卽鈔文該總協理一閱並候電復

又四月十九日

現定辦法湖廣借洋債張文襄所定粵不在內粵股票

只值四折現用之款如借洋債還本必須估價如可換
給保息國票則以前虛糜俟以後餘利彌補所難者詹
電只存現銀一百六十餘萬日內預算表出卽收三期
股款照計應收一千五百餘萬兩如不續收仍須另借
洋債另用洋工程司公能否勸諭悉換 國家鐵路股
票其實商股大佔便宜股東當無不願但恐紳董意見
百出昨在內閣會議特先密商台端心精力果必能詳
細籌畫弟因撤參梁士詒大傷粵人感情好在公與督
辦大臣間接當無慮其隔閡會奏在卽乞速電示

寄楊俊帥

四月十九日

湘路反對國有請一切照舊辦理不知湖北湖南借款
係張中堂與四國簽定 旨交郵部近日四國公使至
慶王府立偪照辦在部權不過照議辦理本難更改軍
機中堂奏定之約今將原合同內枝路刪去改歸民辦
實已費盡口舌此宜揭明者一若照張中堂原定辦法
川粵兩省本可暫緩國有政府恐湘鄂藉口何獨厚於
川粵而可民辦故作一次頒布此宜揭明者二政府擬
先飭停川湘租股以恤民艱而暫准收米捐鹽捐以興
實業實係變困民而爲裕民之策此宜揭明者三粵漢
歸督辦大臣分段趕辦限三年接通十年准可還本商

民均准附股與國家同受利益此宜揭明者四時局
甚危不有鐵路何能救急上意甚堅內閣會議後卽
當復奏詳細辦法朝廷勢難反汗致礙主權紳士中
必有明白人似宜切實開導承先電詢謹以密聞

瑞華帥來電

四月十九日

幹路收歸國有此激素所主張來電所揭明四端
詞意明切佩甚鄂省自奉旨及准部電後卽已
電商粵川湘酌定查帳辦法除粵川省公司各逕
派員調查外鄂省川粵漢鐵路局商辦鐵路公司
已札派勸業道往查湘省公司已由湘撫會銜札

派王道銘忠宜昌有川路公司則同川督派員往
查俟稟復到後卽摘要電聞湘民無識聚議反對
湘撫因此事先後共來兩電云羣情憤激已允代
奏乞 恩設法解散激當以宣布枝路仍爲商民
所有屬卽協商士紳剴切喻導如有暴動卽遵煽
惑抵抗以違 旨論之 旨嚴重對付復之頃得
巧電云現責成正紳曉以利害眾漸知悟當可徐
圖安靖至代奏一節俟代表具呈到後必上奏亦
必奉 旨申飭若輩見撫臣已受申飭無可藉口
久則勢散氣渙不難就範云似此情形湘撫以不

拂輿情爲宗旨亦是急脉緩受辦法激現以尊電
揭明四端轉電湘撫并電藩學兩司關道責成商
承湘撫妥密布置以免再有煽惑抗違之舉激一
得湘耗當卽飛電商辦旣承指示用特瑣陳

楊俊帥來電

四月二十日

湘路事聞聚眾萬餘譁譟滋鬧鼎允爲代奏立刻
解散此本救急權宜辦法否則早已釀成大亂風
潮必較前年爲烈現在一面責成紳士勸導彈壓
一面布置軍隊保護外人一面出示禁發傳單如
有匪徒滋事格殺勿論近日眾漸畏悟已無擾亂

情形候各代表具呈當爲繕摺代奏不著一字以杜藉口如奉 旨申飭亦所甘受倘竟因此獲譴去官豈不更好湘非福地早去爲幸此事發動極烈必先使其解散日久則若輩氣衰勢渙不難就範所謂急脉緩受剛柔互用也公以爲何如仍乞教之

張堅帥來電

四月二十二日

粵路迭釀風潮股東各懷意見自定歸國有後輿論頗多反對商股益滋疑慮三期股款續收有無把握此時尙難預決現定五月二十日開股東會

遵當竭力設法剴切勸諭容隨時續陳

李仲帥來電

四月二十二日

借款收路政策機智毅力兼備借款辦法尤瀝深
心苦意而成雖外議沸騰只要用款得當有利公
受數年罵必成百世功仍望咬定牙根一手辦好
否則下手政策是轉手政策非無功則罪歸作俑
中國千古識識如是不能爲公一人獨明也滇路
樞部皆無此眼光公雖贊成度支竟以滇鹽作抵
無論滇鹽利益少外人不願紳士必然譁鬧交緬
兩私當衝益授滇蜀以詞此又如前次准借公債

巧拒辦法乃其長技義礎磨借款廢約決以十萬
鎊爲限較福公司五分減四人皆謂七府廣大伊
已經營十年斷難做到詎料竟八九可成義猶欲
入細扣算以還本利時千分中二分五經理津貼
改爲廢約津貼卽不再出另費兼杜其執此要求
盡力爲之恐難辦到顧問查帳薦工師三層早經
駁拒惟近因大借款延訂荷國顧問伊堅執另有
附件以義所料七面口許事必卽定焉肯留痕迹
嫌疑惟隆興異常狡執必部中來電聲明係爲中
外金融籌維公益不干借款定幣制時早立此議

猶恐疑議故聘荷人得此切實解釋使義折辯有
憑並藉旁筆打破堅議亦一運用再箇舊錫礦如
大辦六七年至少可出二萬少錫至極可四萬張
現出四千張得款千二百萬鍊場准七月開工若
有七八百萬資本三次交出將永利新興鍊廠次
第辦好必爲環球第二錫廠如以錫廠作押外國
肯借五千萬其有把握可知次者銅鑛個蒙上年
正在經營年餘望成惟一切苦無實本全係挪拉
豈能成事個廠萬搬不開土人每紳數百人砂丁
十餘萬最易作亂全由紳辦官辦均不行官辦得

利准商附股守公律乃可義居此絕地又爲督任
所捆手無一錢不能救邊去年電度支言個事渺
若秋風今因監理討好來文查帳不知官商合辦
非股捐卽挪款度支與我何錢令人憤恨實業不
助預算不管死我窮荒棄此寶藏天下甯有公理
當此世界義拚斬首充軍決不做官已電呈總理
不日辭缺不准卽交印藩司入京就獄人不畏死
說得到卽做得到如 朝廷不誅而用之解去總
督籌出經費令辦礦務尙可商量餘不必談

又

四月二十四日

申兩電計達昨又與隆興磋商廢約酬八萬磅仍
堅執不允勢非酌增不可義尙未鬆口隱意則欲
以十萬鎊爲限較津浦得半較福公司仍減一百
九十萬兩能否做到尙無一定把握據隆興云如
能加借扣利增添酬謝可減實則辦滇甯尙約缺
四五百萬辦滇甯似非三千四五百萬不可改辦
滇蜀需款與滇甯鉅亦相等懇請速商度支可否
加借數百萬或千萬果爾則廢約酬謝可輕於路
事一氣呵成爲計亦得如限以二千萬兩義亦仍
竭力磋商現暫留隆興勿入京祈速核示復候電

接議

唐蔚之侍郎來電

四月二十四日

洽電計達上年路科畢業生勞亮等七名係儘數
派出現留學各生缺額尙多鈞石培才不倦本屆
康時清等五名可否一律派遣乞電復

寄瑞莘帥

四月二十五日

端督辦會電

澤畬人甚開朗且熟悉鄂省情形方所深知宣亦與有
雅故頃正相商或以武昌至岳長路事相煩但尙未能
遽定長沙至宜章一段路長工險兼風潮未息應付爲
難雖想得有人總不洽意公能代爲斟酌搜索堪當此

任者數人見示再由宣方加之參酌不憚十反期於愜心貴當而後已公衡量人物具有特識千萬爲此事借箸籌之感企無似

寄唐蔚之侍郎

四月二十五日

康時清等五名如在額內似可派遣吾國非開礦不能致富而礦學生造就尤亟學成而歸在本人薪水亦必在他項之上此五名能否改學礦務乞酌

又 四月二十五日

洵邸面託李厚祐報效甯波商船學堂彼已無力再辦求速收回等語尊議商船學校宜用吳淞則甬堂必難

兼營請速派人往甬查明或將學生分別攷留遣散而收其房屋暫行結束乞酌復

張堅帥來電

四月二十五日

粵漢商股事連日晤省紳並招集各報館主筆剴切開導告以改領國家股票之益實較商辦爲優及此次借款於國家大局裨益匪細理當合力贊助不宜反對紳界報界似均能領會當不致煽動風潮俟開股東會時當再竭力勸諭特先密陳

瑞莘帥來電

四月二十五日

並致端督辦

高藩司承允錄用甚感長宜路綫路長工險誠如
尊論屬訪人才實難其選搜索再三據鄙見所及
鄭蘇戡尙可任之因其曾辦京漢路工既有經驗
才思敏銳素負時譽亦足以對待湘人鄭近在都
如二公以爲可盍就商之其願否激亦不敢決也

寄張堅帥

四月二十七日

徑電頃已轉呈政府公閱甚佩盡籌四省情形各不相
同而數年來商民喫虧則一粵路工少費多究竟虧損
若干尙待查核鄙見必須未收之股仍須續收一律給
國票保利方能免借洋債詹以總工師兼總理請與商

之鄂川兩督來電均尙安靜可見有事之秋全在疆吏之善於操縱開會後如何情形尙乞密示此間擬卽會奏詳細辦法弟所慮粵工仍須借洋價必須詹有實在預算乃可放心

寄唐蔚之侍郎

四月二十七日

五千兩不易再籌且兩處分辦終屬非計李厚祐所求不再累他應由尊處收管勿令再出費用徐圖他策何如

李仲帥來電

四月二十七日

疊發四電計均蒙覽此時急盼示復者加借與否

與到底度支肯借與否兩事加借一層一爲不敷
路用一爲借加扣增廢約籌款可格外議減肯借
與否則關於外交然諸設議成無因反汗外交更
形棘手至於辦何路綫不難徐議抵款妥否亦可
細酌目前難緩者宗旨數目耳隆興催詰數次詞
憤意執亟當爲最後解決年來費無窮口舌慎人
士對於個人幸無拒款異議礦約不廢界務愈難
借款遲疑機宜一失恐將有欲借不能不借不了
之困悔義猶欲於未去任時允圖所竭力者不忍
釀禍棄邊之良心仍有一絲未死也遇此變帳非

義所知願公呈一總理與度支外務兩部切籌速
決企候示覆

寄孫慕帥

四月二十九日

頃接馮大臣勘電稱樊守現在台莊查放續撥二萬兩
已飭妥友往滕嶧等縣趕辦又據樊守稟郯城蘭山近
邳有灾旬日雨阻不及往勘已電飭邳委吳守憲奎多
擇妥友前往查放等語知念電聞

寄李仲帥

四月二十九日

四電均已鈔送外務部電亦鈔來尙未會議頃奉感電
先陳臆見一加借必可允二千萬除九五扣未完工前

還息再加贖礦所剩數百萬何能辦工二抵款必先指
本省卽如東三省以進款二百五十萬兩抵借五百萬
鎊湖廣以進款五百二十萬兩抵借六百萬鎊又預備
二次續借四百萬鎊分四十年還十年亦可先還滇鹽
百萬本恐不敷若不准用滇桂款度支部恐爲難聞已
無款可抵若早聽加稅免釐何至於此三贖礦十萬鎊
爲阻此爲保全全滇命脈似可另商滇紳承認分提錫
礦利抵還鄙見非開礦無以致富四路綫應先辦滇桂
帶辦桂全全州與永州相接使滇省直達京且可遠通
西伯利亞何快如之粵漢限三年完工公若以滇督兼

督辦滇路能否三年趕成五路成後還債本息皆宜取
諸路利償完路爲無本之路民間土產生發無窮舍此
何以言富郵傳部借路款皆以路利實抵部款虛抵如
路利不敷則須度支部補還滇宜力求興旺土產此爲
第一命脈亦以川漢工難必成在粵漢後故請滇先由
桂通湘幸勿遲疑敬電云辦滇邕約缺四五百萬似舍
桂不議必宜滇桂一氣議昨與英美銀行談四國均願
辦川粵漢合同改本已郵寄凡有部款指抵路權可不
失惟查帳必銀行派工程司由我僱須彼認可恐難刪
除公精覈所議或能稍好若由部訂恐難增益公見合

同只須指明可改條款電商不難決斷餘候閣議另復大約所難者抵款耳

寄瑞莘帥

四月二十九日

端督辦會電

承舉蘇堪方宣均早同意此公總須強以路事惟聞彼意在川而不在湘長宜一段或可參用湘材似較順手請公不憚煩數再於湘中搜索數人見示但須新舊交推能息事而又能辦事不致把持乃爲合格此種人材思之累日不得公千萬爲此事借箸籌之感企無似

寄成都王采臣護院

五月初一日

尊見爲川民請命與閣議不謀而同養電到時卽行發

表同爲慶慰已收之租股務望派員認真確查安定辦法勿使民間虛擲一錢爲要

孫慕卽來電

五月初一日

並致馮大臣

東紳捐集萬金擬賑滕嶧一帶因購糧不易聞尊處存有雜糧懇照價勻撥俾就近散放如允再飭派人交接盼復

寄蘇州程雪樓中丞

五月初三日

向來部借各款合同載明皆以鐵路進項歸還政府恐其干預路政故由度支部指項作保聲明郵傳部鐵路進項無著始由度支部籌還凡洋債均係指明或稅或

釐或鹽或糧作爲虛保部中按期分還外人從未干預
蓋外洋息止二三釐我給五釐故多樂從非有他意此
次因欲各國保護東三省飭議美德英法大借款日本
將欲攙入撓我東事郵部以鐵路出名借日幣一千萬
元係大借款十分之一免其干預東事此皆出自宸
衷奉命而行事關交涉礙難宣布希卽函飭常州府密
告武進江陰兩縣自治公所公正紳士知悉本部未便
逕復

寄武昌瑞莘帥成都王采帥廣州張堅帥長沙楊俊帥
五月初四日

四月二十四日內閣奉 上諭前經降 旨鐵路收歸
國有並派端方以候補侍郎充督辦粵漢川漢鐵路大
臣飭令迅速前往妥籌辦理 朝廷所以毅然行之者
固以統一路權亦藉以稍紓民困當川路創辦之初該
省官紳定有按租抽股之議名爲商辦仍係巧取諸民
至今數年之久該路迄未告成上年且有倒虧鉅款之
事其中弊竇不一而足是貽累於閭閻者不少而裨益
於路政者無多嗣湘省又復踵行租股該省地方瘠苦
更非川省可比際茲新政繁興小民之擔負已重倘不
諒加體恤將此項無益於民之舉早日革除農田歲獲

能有幾何取求之而未有已時將何以堪此現既將鐵路改歸官辦著自降 旨之日起所有川湘兩省租股一律停止其宣統三年四月以前已收之款著郵傳部督辦鐵路大臣會同該省督撫詳細查明妥擬辦法奏聞總不使有絲毫虧損以致失信吾民倘地方官有隱匿不報者一經發覺立予嚴參不貸此外如有另立各項名目捐作修路之款一并查明請 旨辦理著該督撫迅卽刊刻謄黃徧行曉諭以示 朝廷體念民艱之至意欽此頃奉閣函一併電知

又 五月初四日

五月初三日內閣奉 上諭署大理寺少卿王世琪等
奏湘路加抽各股請一律停止一摺前因鐵路幹路改
歸國有曾經降 旨停收川湘兩省租股並飭將此外
另立名目捐作修路之款查明請 旨辦理誠以閭閻
困苦日甚一日鐵路既歸官辦凡因辦路累民之舉應
卽悉數蠲除俾得稍輕擔負茲據湖南京官聯名奏稱
該省路股除田租外尙有米捐鹽捐房捐各名目似此
層層剝削不惟取之富戶且至擾及貧民倘不一律停
收仍不足以示體恤詳閱該員等所奏頗能仰體 朝
廷德意俯察民生疾苦著卽將湖南所有因路抽收米

捐鹽捐房捐各股與前項租股概行停止其已收之款
仍著郵傳部督辦鐵路大臣湖南巡撫恪遵前 旨一
併詳細查明妥擬辦法奏聞不使有絲毫虧損並著該
撫刊刻謄黃再行曉諭毋任隱匿遲延以廣仁施而紓
民力欽此頃奉閣函一併電知川湘兩省請卽迅速刊
刻謄黃徧行曉諭以安眾心

又 五月初四日

五月初四日內閣奉 上諭楊文鼎奏湖南諮議局呈
稱湘路力能自辦不甘借債據情代奏一摺鐵路幹路
收歸國有業經定爲政策明白宣示並飭將川湘兩省

租股一律停止及將已收之股妥籌辦法係因商辦幹路徒增民累 朝廷爲減輕吾民擔負起見改定政策仍不使稍有虧損在百姓當樂從之不暇豈有反抗之理該省諮議局不免誤會所呈各節語多失實迹近要挾楊文鼎身任地方息事安民是其專責旣經明降諭旨果能仰體 朝廷愛民之意曉以利害剴切開導羣疑當不難盡釋乃於甫經決定政策竟率行代爲瀆奏殊屬不合著傳 旨嚴行申飭昨又降 旨飭將湖南省因路抽收之米鹽房各捐概行停止 朝廷體恤民艱無微不至仍著該撫凜遵迭次 諭旨一面切實

勸諭一面會同妥籌辦法如有匪徒暗中鼓動致生事
端卽著從嚴懲辦倘再措置失宜釀成重案定惟該撫
是問欽此頃奉閣函一併電知並請湘撫迅速刊刻謄
黃徧行曉諭以安眾心

寄成都王采帥 五月初五日

現川紳注意股款還而不提統計四省約需四千萬兩
度支部無此閒款非另借洋債不可若悉換 國家鐵
路股票保息不估價不折扣均分餘利則虧損在部不
在民但可免多借洋債已借之款還亦較易爲有股人
設想實勝於估折之後仍交公司移作他用必致有害

無利堅帥復電粵股開導似可辦到在粵股真是商股而川股實係民捐似民捐初辦時賴官力而後成比較尤爲近情公心精力果務乞密速籌定尊示能與現在公司早爲妥籌辦法極合竅要李京卿稷勳來電請將夔萬九百里由國家設法完全自辦或間接挹注逐節展修似有會意已電馬道示意如可入彀擬換給國家鐵路股票將此股款趕辦夔州以上數百里夔有水道似可運料果爾馬道總辦川紳不妨多用數人間川紳亦各樹黨慶邸澤公屬致意我公盡力爲之無任盼幸

又五月初五日 端大臣會電

川路奉命改爲國有實因民力艱難雖竭二十年畝捐亦不能竣事滇藏危徧川路不成邊防難辦川省京官甘大璋等前奏款靠租捐專虐農民小戶非數十年不能湊成一股利永絕望害難脫身民財盡鎔銖局用如泥沙出入款項均無報告路綫延長原估額金九千餘萬且現開工二百餘里九年方能完功全路工竣需數十年後路未修前路已壞永無成期前款不敷逐年工用後款不敷股東付息款盡路絕民窮財困等語 朝旨毅然官辦一面停止田捐上下兼顧萬無動搖昨湘

撫據諮議局公呈代奏有旨申飭內閣函屬敝處電覆請尊處早刻謄黃徧行曉諭以安眾心免再要挾至川粵漢借款係照張文襄所定草合同以度支部所有兩湖財政作保並無鐵路作抵借數仍六百萬鎊息仍五釐四十年期第十年起即可先還此次正合同將枝路刪去准歸民辦宜昌至夔州六百里難工准用美國總工程司因其慣造山路可望速成合同已分咨夔州至成都尙未借款應俟度支部會議詳細章程再行奏定四月十二日度郵兩部公電擬候尊處查明帳目咨到公司實收實支款項或由部籌還自辦枝路或願領

公債股票按年保息分期歸本悉聽股商之便等語惟由部籌還必借洋債必照湖廣以部有之川省財政作虛抵已成之路必須估價而自辦枝路礦務未必確有把握若再放倒帳或徒滋耗費商民必受虧損經度支部會議數則一該公司股票不分民股商股官股准其更換 國家鐵路股票六釐保息須定歸還年限須准分派餘利須准大清銀行交通銀行抵押一該公司股票如願換領 國家保息之股票則該公司歷年虛糜之款除倒帳外准不折扣股本俟將來得有餘利再行分別彌補以示體恤一宜夔工程既用借款卽由督辦

大臣會同郵傳部商派總辦趕緊接辦夔州之上工程較易擬將華工程司移前開辦以期早日相接一未用股款實有若干現存何處已用股款實計若干應請尊處迅速查明電復以憑會商內閣度支部奏請核定明白宣布幸勿遲延

瑞莘帥來電

五月初七日

並致端大臣

屬舉湘材懸格以求盡籌至當激籌思數日急切實無以報命能息事能辦事又不把持此三格適與湘人性質相反卽菊尊秉三可謂湘之才俊然亦恐或蹈此病奈何知念先陳容再物色

成都王護院來電

五月初七日

並致端大臣

迭奉兩電敬悉川紳路見現分兩派甲純主自辦
乙則主歸國有而要求不以路作抵不提存款全
還用款初甲勢頗張經人文再三譬曉利害頃幸
明白有力量者漸趨乙說當初一日各團體集議
卽有持 國家或以路權委之外人債票換提現
款之說激煽眾意者因有議局公司之呈請代奏
細查乙派卒占優勝蓋因路難望成而禁煙驟失
利若能以路之餘款遵鈞部前電爲開可靠之礦
及興辦實業增加生產之用川民生計亦可得一

轉機以此眾情多主其說若換提現款則希望兩絕恐非筆舌所能譬解人文之意存款僅七百餘萬似應儘給川人俾彰朝廷信用而救川民之窮已用之款較多除倒帳外則照度支部所議辦法全換給鐵路股票雖未必盡饜川人之望然國家旣仁至義盡或足塞川人之口惟合同內傳之全體注意之件應請早日宣布初一日會議皆以合同勿論直接間接但有拘束四川鐵路財政之力川人萬不承認兩派一致情詞較議款尤激人文忝護疆符萬不敢不念此次借款備極委曲

艱難稍存見好川人之意特川民向來浮動鐵路
又關全省權利尤不敢不深維終始致或措置失
宜貽誤大局近日謠言甚多兩電均未敢宣洩敢
布其餘上備採擇仍乞迅賜將合同全橐宣布一
面裁示處分存款辦法再當招集明白士紳盡力
勸導總期不生枝節免煩厯慮公司帳目現正清
查惟頭緒太多恐尙須旬日乃得總數李京卿辦
法未准電告其人乃川人所信仰材幹諒爲鈞部
所知將來似可留充總辦藉以羈攬眾情馬道恐
難勝任是否乞酌慶邸澤公前并乞代達愚悃瞻

黃已遵 旨刊布先以奉聞

寄孫慕韓中丞

五月初九日

川漢路廣水至宜昌須聘用德國工程司合同載明部
可自用但所用之人須借款銀行認可弟於德人向無
熟悉只有錫樂巴兄弟尙覺可靠膠濟鐵路工程尙速
錫樂巴已回國伊弟現在何處一時忘其名乞查示

楊俊帥來電

五月初八日

並致端大臣

湘路事自文鼎代奏後卽切實誠諭指陳利害宣
布 朝廷德意各界均帖然就範決無抵抗人心
大定昨奉 嚴旨申飭湘人見撫臣因此獲譴羣

情震懾更屬無可置詞一律安靜專候督辦大臣
來湘會商辦法竊念此事當風潮劇烈之時若遽
用強硬手段必先與撫臣爲難立刻變亂是以不
得不允爲代奏以平其氣而懈其心迨解散之後
相機操縱委曲求全或能於事有濟今幸地方綏
靖弭患無形路事得以就緒措置尙未乖方應請
督辦大臣早日蒞臨俾得秉承訓示冀免愆尤無
任企盼

孫慕帥來電

五月初九日

錫樂巴之弟錫貝德現在青島充膠濟公司總辦

未卜肯就否津浦北段工漸少若勻派工司亦可
得力請卓裁

寄孫慕帥

五月初十日

錫貝德本領不高津浦北路總辦甚屬虛糜不宜復用
頃有造齊河大橋之德工師函來自薦凡能造大橋者
必是好手未知此人性情條理何如乞公詳查電示

張堅帥來電

五月十一日

粵路收歸國有省中正紳及大股東先經剴切勸
諭多允遵從惟以部定辦法應加抉擇須俟開會
議決乃本月初十日開會時各股東正在投筒取

決忽有前經奏明不准干預路事之黃景棠倡議
力爭商辦慫恿股東如力爭不得另籌對待並建
議由董事局電稟大部力爭及請由岐代奏收回
成命別設機關部分電外埠及湘鄂等省合力
抵抗所有各股東投筒之議事表概行作廢不令
投筒一時眾論紛呶秩序擾亂在座股東多有畏
事引退者現正由岐設法再行勸導開會另議並
擬俟董事局稟到嚴加駁斥擬請大部俟董事局
稟到日一體嚴行申飭庶易就範黃景棠對於路
事蓄謀破壞已非一日前此屢釀風潮今茲復倡

率抵抗現經派人切實開導如仍執迷不悟可否
酌予懲辦並請示復

又 五月十二日

真電計達岐現復出示嚴切曉諭令將初十日議
案取銷該紳並擬於十五日再行開會亦經飭巡
警道切實禁止並經於示論文內聲明由岐博采
正論另定條款責成公司總協理董事召集股東
擇日月開正式會務得真意以期解決示諭張貼
後情形何如容再奉聞

寄上海鄭蘇堪京卿

五月十二日

川粵漢大局粗定 朝廷注重此路意在速成午帥萃
帥會商非賴公毅力熟手難赴目的本擬卽日發表午
帥欲請公來面商辦法已發公電務乞速臨至盼至禱
寄張堅帥 五月十三日

黃景棠已奏明不准干預路事乃敢蓄謀破壞屢釀風
潮今復倡率抵抗且有另籌對待別設機關等語意欲
何爲應由尊處確查違悖情形卽行電奏從嚴懲辦董
事局如有電稟到部定卽一體嚴行申飭決不姑寬

楊俊帥來電

五月十四日

並致端大臣

此次湘路風潮極力維持幸免暴動鼎之心力實

已盡瘁現聞反對激烈者大半爲鐵路學堂中人
因商辦既經取消該學堂經費無着是以譁譟鄙
意湘省鐵路學堂應改歸官辦由公家籌給經費
仍令照舊辦理以安其心將來鐵路任用之人皆
取諸該堂則教員學生必可安靖若多用洋工師
後禍真不可測祈速與督辦大臣商酌先行電告
湘省此爲最要之策又贖路修路之款現已派員
確查細數幹路既收歸國有凡屬商民所捐之股
必須如數撥還方足以折服人心其鹽捐米捐入
款另籌辦法此一節亦須明白宣布俾免藉此又

起風潮切要之至余堯衢力辭總辦志在得官聞
湘人多屬意於黃忠浩如將余別位置而畀黃以
總理湘人必大歡迎此亦平爭解悞妙劑務乞採
納施行並乞裁覆至盼

瑞莘帥來電

五月十四日

並致端大臣

川督來電云宜昌總理以李京卿爲最部派馬道
文未認可徵初謂川督之意不過因馬道資望較
輕而已現聞馬道往查宜萬公司路款頗干涉路
款以外之事似此不守權限踰越範圍豈復能勝
此任李京卿任事有年遠勝馬道似不可輕易改

派既有所見用特密陳請酌裁路事日繁陶公以
早日出都爲是大綱不定恐枝節日多也

寄楊俊帥

五月十六日

寒電已與度支大臣及午帥會商贖路修路之款既已
派員確查細數卽希尊處按照四月十二日公電將該
公司入款米捐鹽飭加價衡永寶溢銷湘釐各若干租
股商股房薪股各若干三佛餘利若干出款贖路若干
造路購料若干現存司局庫莊號各若干現存材料值
若干分別迅速電復以憑剋日核定辦法會同覆奏明
白宣布勿稍稽延爲盼

又 五月十六日

鐵路人才本應預備湘省鐵路學堂准卽改歸部辦自
收回之日起由公家籌給經費聞曹紳典球辦理尙妥
希轉致將該堂一切辦法詳細呈候奏定

愚齋存稿

卷七十七

三

愚齋存稿卷七十七